

俱係不法宜施削版之律又言慶興府使鄭恒寧實為賊鏡之私人且縱其子主張萬經之凶疏物情之駭憤久而未已宜罷其職批略曰麗水縣事欲觀來頭宋宅相事何必準信風聞鄭恒寧事依施○黜掌令許錫削其官爵錫上疏言遇臣情節獄體當鞠而左議政洪致中不為求對爭難短劄應文無端請對請宥宋真明尹淳趙翼命使三人者果有可恕之端其視遇臣事輕重何如而其在匡君德也挨過事端草草劄陳其在救逆黨也不顧公議縷縷面達輕重之倒置為如何哉上召錫使讀其疏曰汝之疏意專在敲撼錫對曰左相大拜之後首陳光佐秦億等無罪物情駭惑至有合啓之議而顧念大臣心事務存寬平故不果論之臣若有意敲撼豈不提論此事只舉真明等細微事耶上命遞職仍施削黜之典政院覆逆批勿煩○行召對○庚申掌令鄭匡濟上疏請收還許錫削黜之命不從○上御晝講講訖經筵官及叅贊官齊聲伸救許錫不從○以趙榮福為承旨○辛酉大提學李秉常免初大司憲鄭亨益疏論秉常未上徹而語先播秉常聞之乃引嫌四十七召終不就上不不得已許免焉○六月朔壬戌上親行敬昭殿朔祭○行召對○癸亥夜三更東南西有氣如火光○以朴弼正為掌令申處洙為持平尹心衡為獻納洪